

Broj: 101-207/19  
Datum: 18.03.2019.

Na osnovu člana 50. Statuta Radiotelevizije Bosne i Hercegovine, člana 70. stav (1), (2) i (3), člana 71. stav (1) i (2) Zakona o javnim nabavkama Bosne i Hercegovine ("Službeni glasnik BiH" broj 39/2014) i člana 200. Zakona o upravnom postupku Federacije Bosne i Hercegovine ("Službene novine Federacije BiH broj 2/98), a na prijedlog Komisije za javne nabavke Radiotelevizije Bosne i Hercegovine, donosim

## O D L U K U

kojom je za najpovoljnijeg ponuđača za *pružanje usluga štampanja i uvezivanja materijala* izabran ponuđač **TMP Društvo za zapošljavanje sljepih i slabovidnih osoba d.o.o. iz Sarajeva.**

## O b r a z l o ž e n j e

Na temelju Odluke generalnog direktora ugovornog organa Radiotelevizije Bosne i Hercegovine broj 101-207/19 od 03.03.2018. godine Komisija za javne nabavke je pokrenula proceduru po konkurentskom zahtjevu za dostavljanje ponuda koji za predmet nabavke ima *pružanje usluga štampanja materijala sa logom BHRT-a i FTV-a, kao i uvezivanja materijala*, sa predviđenim sklapanjem okvirnog sporazuma sa odabranim ponuđačem na period od jedne godine i na odobreni budžet, odnosno na iznos ponude ukoliko je iznos ponude manji od iznosa odobrenog budžeta. Također, ovaj postupak nabavke je, u skladu sa članom 9. stav (1) Zakona o javnim nabavkama Bosne i Hercegovine, raspisan kao ugovor rezerviran isključivo za kandidate, odnosno ponuđače koji zapošljavaju, u odnosu na ukupan broj zaposlenih, više od 50% osoba sa invaliditetom, a koji ne mogu obavljati poslove u normalnim uvjetima.

Na predmetni postupak javne nabavke, objavljen na portalu javnih nabavki [www.ejn.gov.ba](http://www.ejn.gov.ba) dana 26.02.2019. godine pod brojem 113-7-2-8-3-35/19, a u skladu sa članom 88. Zakona o javnim nabavkama Bosne i Hercegovine ponudu je dostavio jedan ponuđač, i to:

- **TMP d.o.o. – Sarajevo**      **KM 3.425,00 bez PDV-a**      **KM 4.007,25 sa PDV-om**

Provjerom valjanosti primljenih ponuda Komisija je ustanovila da su obje primljene ponude pravno, tehnički i ekonomski validna, u skladu sa tenderskom dokumentacijom i Zakonom o javnim nabavkama Bosne i Hercegovine.

Kako je u pitanju Konkurentski zahtjev za dostavu ponuda, te da se dodjela ugovora isključivo zasniva na najnižoj cijeni tehnički zadovoljavajuće ponude, i kako je Ugovorni organ predvidio provođenje postupka e-aukcije, a s obzirom na činjenicu da se na predmetni postupak javio samo jedan ponuđač i da se u tom slučaju ne provodi postupak e-aukcije što je u skladu sa tenderskom dokumentacijom i ZJN BiH, Komisija je postupila u skladu sa članom 89. stav (1) Zakona o javnim nabavkama Bosne i Hercegovine i izvršila izbor najpovoljnije ponude.

Na temelju svega navedenog ugovorni organ Radiotelevizija Bosne i Hercegovine je odlučio kao u dispozitivu ove Odluke.

**Izveštaj Komisije za javne nabavke** čini sastavni dijelove ove Odluke.

### **Pouka o pravnom lijeku**

Protiv ove Odluke dopuštena je Žalba ugovornom organu kao prvostepenoj instanci u postupku u roku od 5 dana od dana prijema iste u pisanoj formi, a u skladu sa članom 101. stav (5) Zakona o javnim nabavkama Bosne i Hercegovine.



**Generalni direktor BHRT-a  
Belmin Karamehmedović**

#### **Dostaviti:**

- TMP d.o.o. Sarajevo
- Arhiva